

2
F
SYNESII

EPISCOPI

CYRENES

AD ARCADIVM

IMPERATOREM

LIBER,

DE REGNO BENE

ADMINISTRANDO,

Stanislao Ilouio Polono Interprete,

AD AMPLISSIMVM, AC REVERENDVM.

PETRV MISCOVIVM.



Venetijs, Apud Baptistam Somasum.

M D L X I I I.

SYNOPSIS

EPISCOPAL

CYRILLIC

AD ACADEMIAM

IMPERIALEM

LIBER.



DE REGNO RUSSIE

ADMINISTRANDO.

Stavitskij Novos Polono Interpretis.

AD ANTISSIMAM. AC REVERENDISSIMAM.

PETRAV. NICOLAI.



Verlag: Johann Baptist von Ziemann.

M D C L X I I I

AMPLISS. AC REVERENDO
D. PETRO MISCOWIO,
GNESNENSI, PLOCEN. LENCICIEN.
PRAEPOSITO, ATQUE SUPREMO IN.
VICTISS. REGIS POLONORVM
SECRETARIO,
STANISLAVS ILOVIVS
S. D.



X his omnibus, Miscowi am-
plissime, qui de genere huma-
no bene mereri student, illi
primas mihi partes merito
tenere videntur, qui studium
suum ad principes instituen-
dos, atque erudiendos conferunt, nam si eorum
animus ad officium & ad virtutem institutus &
informatus fuerit, probe mehercule reliqua etiam
omnia sese habebunt; sin minus, multis malis ac
calamitatibus qui in ditione eorum sunt & im-
perio, afficiantur necesse est. ut enim capite agro
totum corpus labascere solet, ita etiam principe,
qui eorum quibus praest veluti caput quoddam
est, perperam informato, omnes sui vacillant.
adde quod pravis moribus principum infici solet

tot a ciuitas, sicuti emendari & corrigi bonis; quo-
niam quibus rebus hi sese dedunt, iisdem ceteri
omnes, illorum exemplum imitati, tenentur. Hoc
cum antiquissimi illi philosophi intelligerent, om-
nem curam & diligentiam in eorum honesta insti-
tutione ponebant; proinde eorum alij in aulis re-
gum versabantur, ut suis eos praeceptis & institu-
tis ornarent. quod à Platone, Antisthene, & alijs
quamplurimis, factum esse accepimus: alij verò
quibus integrum non erat principibus presentibus
operam dare, literarum monumentis, quae illis uia
& ratio in regendis populis esset incunda, prode-
bant, ut Isocrates, ut Theophrastus, ut etiam hic
noster Synesius: qui pontifex Cyrenensium & si e-
rat, multisq; & magnis negotijs dislentus, agre-
gium tamen hunc librum ^{περί βασιλείας} nobis scriptum
reliquit. in quem cum his liberalibus, quibus se
homines studiosi à literis grauioribus ad Musas
mansuetiores referre solent, incidissem, eaq; in-
scriptione allectus audisissime percurrissem, dis-
ficile dictu est, quantum mihi eruditione, quan-
tum prudentia satisfecerit: neque id fortasse in-
iuria: tanta enim in eius sermone copia, tanta in
praeceptis de uirtute dandis elucet grauitas, ut
eum hoc in genere ceteris omnibus anteferre non
dubitem.

dubitent. non enim ille tetrarcham aliquem, aut regem, sed Romanorum ipsum imperatorem, in cuius regno & potestate, omnes totius Europæ, Africae, & Asiae populi erant; neque ethnicum principem, sed christianum Imperatorem suscepit instituendum, cuius propè imaginem nobis in hoc libro veluti in tabula quadam expressit. Quantum verò intersit inter regem qui veterum disciplina imbutus omnia ad gloriam, & ad opinionem hominum referat, & eum, qui more nostro omnia ad Christi doctrinam applicet, actionesq; omnes suas pietate & religione metiatur, tu ipse optimè nosti, qui & veterum philosophorum, & nostrorum Theologorum scripta summa cum diligentia euoluisti. Mihi quidem hac imprimis de causa adeò probatus est Synesii hic liber, ut me tenere non potuerim, quin eum, quanquam obscurissimum & multis difficultatibus ad intelligendum impeditum, in Latinum sermonem transferrem. est enim adeò spinosa, adeò contracta eius oratio, ut non modo latine commodè verti, sed vix intelligi aut percipi vel ab eruditissimis hominibus possit. verum cum me non prateriret, summam utilitatem & laudem semper cum summo labore esse coniunctam, non
sum

sum passus me ullis angustijs à sententia mea deduci: quòd ita mecum statuerem, qui in rebus honestis parandis, aut difficultati cedit, aut labore frangitur, nihil eum unquam praeclarum, nihil laude dignum, efficere posse. Summo itaque studio & diligentia adhibita, librum latinum feci, & quoniam eum ex usu multis fore iudicavi, in lucem etiam protuli. Cur autem eum tuo clarissimo nomini inscripserim, patere, obsecro, me paulò altius causam & rationem repetere. Ego Misconi optime, cum adhuc admodum adolescens Cracovia bonis literis instituerer, memini me tum saepius de virtutibus tuis varijs multos pradicantes audisse, qui cum singularem industriam tuam, incredibilem humanitatem, eximiam prudentiam in caelum extulissent: te praeterea doctrina, te scientia morum, & usurerum, inter viros tui ordinis in quo tum eras, facile principem esse affirmabant, quo laudum tuarum praconio ita iam tum eram ad te observandum & colendum incitatus, ut neminem mortalium pluris facerem, neminem diligentius quam te observarem, nec sane immerito; ea est enim vis virtutis, ut etiam eos quos nunquam vidimus, suspicere, ac in oculis ferre cogamur

cogamur: quis enim est qui Aristidem ob iusti-
tiam, qui Cimonem ob liberalitatem, qui Pho-
tionem ob summum studium in patriam, qui
viri innumerabilibus propè ante nos seculis in
Græcia floruerunt, non amet & laudet? inimi-
corum nostrorum virtutes medijsfidijs, non
amplecti non possumus. Proinde non tibi mirum
videri debet, si ego iam multis ab annis ob exi-
miam animi tui præstantiam, tanti te fecerim,
tantumq; observauerim, quantum profecto, vel
nullus vel omnino pauci. Sed dici tamen nō potest,
quanta accessio hoc tempore facta sit, ad pristina
illam meam in te observantiam nam antea qui-
dem faciebam te plurimi, sed ut virum eximia
eruditione ac prudentia clarum, non ut herum et
patronū: nunc autem postquam amplissimus prin-
ceps meus Ioannes Prærembicus Archiepiscopus
Gnesnensis, & vita decessit, te ego unum ex omni-
bus delegi, cui post illius mortem me totum ad-
dicerem, cuiq; omne studium meum, operam, dili-
gentiam omnibus in rebus deferrem, cui deniq; in-
seruirem, ac mea omnia traderem. Videbā enim
principe meo summa pietatis ac probitatis viro
extincto, nostra in Repub. quasi lumen aliquod elu-
cere excellentes virtutes tuas. Quare te etiam
atq;

atq; etiam uehementer oro, ut tibi sic de me per-
suadeas, ex his qui te obseruant & colunt, qui id
sanctius, et diligentius quam ego faciat, esse nemi-
nem. Huius uero singularis meae erga te obseruan-
tiae & officij, ut aliquod signum haberes, hunc Syne-
si librum tibi mittere uolui: pusillum munus illud
quidem, & cuius me tantum non pudet, sed à te
pro tua summa in omnes benignitate, non ex se,
sed ex eius à quo mittitur animo ponderandum.
Quod si tibi hoc quidquid est probari, ac gratum
esse intellexero, omnibus uiribus contendam, ut
prope diem omnes Synesi uigilia, eo genere sermo-
nis in nomine tuo appareant. Verum hac haete-
nus. Extremum illud est, Misconi humanissime,
ut te rogem, quod quidem enixe facio, uti me in
numero tuorum esse patiaris. id si ero consecu-
tus, & praeclare mecum actum esse existimabo, &
omnes in partes enitar, ut intelligas te, clientem
habere gratum, & fide, ac obseruantia erga te,
omnesq; tuos nemini concedentem. Vale am-
plissime patrone, nosq; tuo patrocinio tuere. Idi-
bus Febr. M. D. LXIII.

Patavio.

*Synesi Cyrenæi vita ex
Suida .*



SYNESTVS episcopus è Ptolemaide Pentapoli oriundus est. Is cum iam philosophus sacris esset initiatus, varios libros, cum de Grammatica, tum de Philosophia græcè conscripsit. multas etiam orationes de regno ac panegyricos confecit. Scripsit præterea encomium caluitici, ac summæ admirationis de providentia librum, & alios quamplurimos ac diuersi generis, & epistolas ingenij atq; eruditionis plenas. Hæc ex Suida.

*Eiusdem, vita ex Euagrio
Scholaſtico.*

IStam mihi historiam magno cum labore scribenti, agè prodeat etiam in medium Synesius Cyrenæus, vt orationem nostram sua ipse memoria ornet. Erat hic Synesius cum alijs in omnibus disciplinis eruditus, tum vel maximè in philosophia, in qua tantos progressus fecerat, vt summa in admiratione apud homines Christianos esset: cui neque amore, neq; odio adducti villo, ea quæ cernuntur iudicant. Persuaserant itaque ei, ut se salutarî lotionè ablueret, ac onus sacerdotij susciperet, cum nondum dogmati de resurrectione mortuorum assensisset. Augurabantur enim sanctissimi homines eum reliquis suis virtutibus faciliè hoc quoque consequuturum, præsertim cum diuina gratia nulla parte manca esse possit. nec sanè eos spes fefellit, nam qualis hic & quantus fuerit, testantur cum epistolæ eius, quas doctè & eleganter post initum sacerdotium elucubrauit, tum etiam liber ad Theodosium, ac ceteræ eius vtilissimæ vigiliæ, quæ circumferuntur. Hæc Euagrius.

1871

SYNESI

AD ARCADIVM

IMPERATOREM

DE REGNO LIBER,

STANISLAO ILOVIO.

Polono Interprete.

N VERO, nisi quis ab vrbe ampla & opulenta veniat, & orationem magnificam ac perelegantem afferat, qualem Rhetorica & Poetica edere solent, populares nimirum artes, populares foetus, cum cum huc se contulerit vultum demittere oportet? ut potè cui potestas facta non sit in aula, non modò liberè loquendi, sed nè hiscendi quidem, cum non habeat patriam illustrem, neque disputationes de rebus iu- cundis, quales hic quotidie haberi solent, in medium proferat, quæ & ipsum Imperatorè, & eos qui illi in consilio adsunt volup- tate perfundere possint. An etiam aliquando Philosophiam ad- uenientè recipietis, & quis vestrū ipsam agnoscer, quæ hic post- tam longum interuallum temporis apparet, ac tanquam hospi- tem benignè excipiet, de eaq; honorificè loquetur apud eos, apud quos decet? hos enim desiderat honores, non ipsa quidem sua causa, sed vestra, ne despectui habita nihil vtilitatis & adiu- menti uobis afferat. Atq; ipsa quidem uobis afferet sermones, non hilares illos quidem, nec qui voluptate afficiant adole- scentes: quippe cum eius oratio neque natura sua diffluat, ne- que verborum ornatu fucatam pulchritudinem ostendet: sed

A 2 alterius

alterius cuiusdam grauioris, atque diuiniore generis, viriles inquam & graues, & eam gratiam recusantes, quæ assentionis ergo à principibus proficisci solet. Hi verò sermones adeo imperterriti, ac intrepidi sunt, & à regum palatijs alieni, vt se fore contentos negent, etiam si quis eis hoc dederit, ne omnia ex omni parte regis acta, neve regem ipsum collaudent; sed denuntiant se, si quando res feret, molestiam exhibituros, ac minitantur in reprehendendo quàmmaximè acerbos fore: si modo aliquem ita molestia affectum, ad frugem se reuocare posse viderint. Oratio profectò libera; regis auribus magnæstimanda est. Nam laus illa quæ temperè quamlibet ob rem tribuitur, quamuis lætitiâ faciat, nocet tamen plurimum, similisq; mihi videtur pharmacis illis, quæ improbi hominès melle oblitâ, ijs quos perdere volunt, porrigunt. An nescis coquinarum condimenta & irritamenta quædam famis adulterinæ parando, corporibus humanis obesse? artem verò exercitatricem ac medendi, quamuis ab initio molestiam aliquam pariant, postremò tamen hominem seruare. Ego itaq; te saluum esse volo, etiam si tibi salus tua molesta futura sit. Nam vt sal carnes sua vi constringens, ipsas non patitur disfluere, sic a dolèscantis Imperatoris animum, quem principatus potentia huc, & illuc rapit, orationis veritas coercet. Quæ de causâ æquum est, nos nouum hoc, atque peregrinum orationis genus terre, neq; prius rusticitatis condemnare, aut dicendi silentium imponere, quàm paulò longius processerit, eò quod lepori non seruiat, nec iuuenes rebus ludicris tenere studeat, sed quod sit quasi quædam magistra morum, quodque grauis sit eius congressio. quòd si consuetudinem eius patienti animo sustinere poteritis, et si nondum aures vestræ illis laudibus, quibus patere solent delinitæ, atque deprauatæ sunt, Ecce me tibi, quem mittit Cyrenæ, caput ut auro coronem tuum animum verò philosophia. Cyrene, inquam vrbs Greca, & quidem vetusta ac venerabilis, veterumq; poetarum versibus clarissima. nunc verò egens, abiecta, ac parietinis plena, quæque ope ac auxilio Imperatoris opus habeat, si velit aliquid an

Si qua illa sua laude dignum præstare. huic tu nostro malo facile si voles medicinam facies, in manu tua enim est, ut ab ampla & beata quondam patria mea alteram tibi coronam appor-tem. Oratio autem nostra, ne nunc quidem splendorem, ac ornamentum ciuitatis desiderat, ut liberè, & fidenter cum Imperatore verba facere audeat. Veritas enim, orationis splendor maximus est, nec propter locum ulla adhuc oratio, uel turpior, uel illustrior exiit. Quare DEO OPT. MAX. iuante ad rem ipsam explicandam ueniamus, orationemque, uel ut uerius dicam, actionem omnium pulcherrimam aggrediamur. Qui enim id studet, ut unus Imperator optimus sit, is meherculè breuissimam init uiam, ut omnes familias, omnes ciuitates, omnes nationes, siue paruas, siue magnas, siue propinquas, siue longinquas instituat, atque corrigat. Nam utcumque fuerit conformatus Imperatoris animus, eius omnes esse participes necesse est. Placet nè igitur sic principio faciamus, ut orationem meam æquo animo audias? hominis enim prudētis est, non perterrefacere feram, si quando uenatum ierit. Exponamus igitur, quæ Imperatorem agere conueniat, quæ non conueniat, & proponamus ipsi simul quæ honesta sint, & quæ turpia, ut hæc sequi, illa uitare possit. Tu uerò ad turpia & honesta animum appellens, ubi cognoueris quid te maximè deceat, & quid dedeceat, hoc reijcias, illud amplectare, quasi à philosophia comprobatum sit. atque cogita hoc tibi semper faciendum esse, illud uero non amplius unquam. Cum autem de his sermonem habebo, tum tui quid egeris, quod te dignum non est, cuius & nos, & tu ipse tibi conscius es, facito ut erubescas, atque tibi ipsi succenseas, ne appareat esse in te, quod te est indignum. Verecundia enim & rubor hic, virtutis ex poenitentia maximum est inditium, atque hic verecundia est, & Hesiodo uidetur, planè diuina. Ille autem qui suis in erratis persistit, & quem pudet suam inscitiam fateri, is nullum fructum feret ex poenitentia, neque huic oratione, quæ illum morbo liberet, opus est, sed talem potius uir sapiens poena dignum esse dixerit. Sic sane o Imperator in ipso exorsu aspera
& diffici-

& difficilis tractatu philosophia est. ideò enim iam nonnullos uostrum perturbari, istamque libertatem dicendi grauitè & iniquo animo ferre. At ego pollicitus eram me in principio orationis meæ molestum fore: quare uestrum erat, qui id ante animo perceperatis, uos munire, atque isti conatui fortiter ire obuiam. Quamquam tu hæc libenter audire soles, omnesque id de te prædicant, in quo ego etiam tibi lubens assentior, Nullum esse qui tam amplum Imperium possideat, quàm tu, tantisque te opibus circumfluere, ut iam ipsum etiam Darium longè prætereas, ac nullum esse qui plures equites alat, aut peritos sagittarios & loricatos, quibus si strenuus dux esset, nulla res esset tanta, quæ illis resistere possit. Ciuitates præterea tam multæ te colunt & obseruant, ut uix aut ne uix quidem numerando percenseri possint, quarum plurimæ sunt, quæ te neque præsentem aspectu perceperunt, nec se vnquam visuras sperant, eo quod spectaculum hoc augustius ducant, quàm ut optare audeant. hæc ita se habere etiam nos fallimur. Quid igitur est in quo nostra ab illorum discrepet sententia? in eo nimirum quòd te illi inde summis laudibus in cælum ferunt, beatumque prædicant: ego verò ex eo minimè te laudibus ornauro, sed rectissimè beatum prædicauero. non est enim eadem causa, quare aliquem laudare velimus, & beatum censere, sed diuersa. Nam beati prædicantur ij, qui bonis externis præditi sunt, laudibus verò efferuntur illi, qui bonis internis, in quibus foelicitas ipsa sita est: Ac beatitas quidem fallax fortunæ donum est, laus autem eorum bonorum, quæ propriè nostra sunt. atque eam ob causam laudatio vi sua stabilis est, prosperitas autem fluxa & caduca, & sæpe breui temporis momento in contrariam partem commutatur. ad quam quidem conseruandam diuino auxilio, ingenio summo, arte, occasione, multis denique actionibus ac varijs opus est: quarum neque experientia vlla est, neque etiam faciles sunt ad exponendum. Non enim quemadmodum nullo labere hominibus beatitudo aduenit, sic etiam nullo negotio tenetur. Enimuerò vides quibus vitæ generibus Tragedorum scenæ refertæ sunt: nam non
his

his calamitatibus, quibus affliguntur homines priuati, paruifque opibus præditi, uerùm his in quas homines omni genere copiarum abundantes diuinitas scilicet & reges uenire solent. Parua enim domus magnam calamitatem non capit, neque in mendicum magna infortunia cadunt: sed qui florenti fortuna illustris est, hic etiam periculis, atque rebus aduersis clarus esse potest. Sæpe etiam uirtus initium fuit secundæ fortunæ, & laus beatitudinem præcessit, quasi erubescere fortuna, si debitum testimonium præstantissimis uirtutibus non tribuerit. Quod si exemplis hoc corroborandum est, ne ea quidem foris petamus, sed ueniat tibi in mentem pater tuus, cui imperium uirtutis quasi mercedem datum fuisse cognosces. Fortuna autem uirtutis causa nunquam extitit: uerùm extiterunt nonnulli, qui fortuna ueluti instrumento quodam ad uirtutem consequendam ufi sunt. in quorum numero utinam tu ò Imperator sis, ne etiã hoc loco philosophia in uerbis faciendis operam perdat. Eo nomine præclarum ducito imperium, quòd uirtutem suam excoluerit, quodq; tibi materiem talem præbuit, quæ amplitudini tuæ responderet, quam aliquis in minori fortuna constitutus capere non posset. Danda est igitur opera, ut animum regijs uirtutibus exornes, & fortunæ patrocinium suscipiendum est, ne imprudenter fecisse videatur, quòd non eadem tibi initia imperandi cum patre fuerint. hic enim militiæ laboribus regnum cõsequutus est, tu uerò postquàm imperium es adeptus, bellum geris, & uirtutem tuam fortunæ acceptam referre debes. ille bona per summum laborem sibi quæsiuit, tu autem si ne labore hæreditario iure ea accepisti. Sed magno labore opus est, ut ea tuearis, & hoc est quod iam dudum dico difficile esse, magnaq; uigilantia egere, ne id quod fors facere consuevit conuertat se in medio itinere, quemadmodum improbi comites solent: Cum his enim uagam & inconstantem fortunam sapientissimi viri contulerunt. Id ex patris tui euentis facile intelligi potest, qui quanquam ob res benè gestas declaratus sit Imperator, non tamen inuidia permisit, ut extremum uitæ tempus sine laboribus traduceret: neq; tamen Deus

coronæ expertem illum reliquit: nam profectus contra duos Tyrannos, ijs fulis, in ipso puncto trophei secundi è vita decessit, nulli mortalium, sed naturæ cedens, aduersus quam neque arma ulla valent, neque mens sagax quicquam excogitare potest. Ac sanè virtus ipsum ad sepulchrum usq; comitata est, cum vobis imperium maximè pacatum, ac tranquillum reliquerit, quod vobis incolume virtus, & per virtutem Deus seruabit. Nam cum omni in re, ac omnibus hominibus diuino auxilio opus est, tùm uel maxime ijs, qui suò Marte, & industria imperium sibi non pepererint, sed quos fortuna hæredes imperij fecit, uti vos. Cuius cui maximam partem Deus tribuit, & quem adhuc ualde puerum summum Imperatorem appellari voluit: is maximè omnem laborem suscipere, omnem desidiam abicere debet, paululùm sommo, plurimum verò curis deditus esse, si modò nomine imperatorio dignè affici uelit. Verum enim est illud vetus dictum, non multitudinem eorum, qui imperio parent, magis facere Imperatorem, quàm Tyrannum¹. nam neque ouium multitudo magis pastorem facit, quàm coquum, qui ipsas ideo agit, ut in minutas partes secet, quò & ipse se expleat, & alijs uorantibus præbeat. pari interuallo dico Tyrannum & Regem inter se distare, quamuis uterq; eorum iisdem fortunæ bonis affectus sit: utrique enim eorum in multos homines imperium est. Sed profectò qui se ad res honestas eorum, quibus præest accommodat, quiq; id vel maximè laborat, ne illi aliqua calamitate affligantur, & qui se omnibus periculis obijcit, ut securè & liberè sui uitam agant, tum qui omni cura & vigilijs contendit, nè vllò tempore sui aliquam molestiam capiant, hic est inter pecudes pastor, inter homines uerò rex. Quicumque autem imperio ad luxum abutitur, & potestatem ad voluptates perfruendas confert, ratus oportere se omnes suas libidines etiam cum lachrimis populi explere; & qui existimant hunc fructum imperij esse uel maximum; ut à multis animi sui voluptates foueantur, & ut vno verbo omnia complectar, qui gregem non saginat sed ipse à grege saginari vult, eum inter pecudes coquum, inter homines autem Tyrannum

annum appello. Hanc igitur tibi unam in imperando normam
propono, ad eamq; te ipsum dirige, visite conuenientem esse
videris, tum iure optima Imperatorium nomen tibi usurpato:
sin minus, da operam vt his, quæ praua sunt correctionem ad-
hibeas, & normæ te adaptēs: non enim despero quin ætas tua
facile omnem accessionem uirtutis capere possit, si modo ali-
quis eam ad uirtutis studium excitaberit, atque inflammauerit.
Magna enim est uis adolescentiæ in utranque partem, & perin-
de ac fluuij in eam partem maiori cum impetu prorumpunt, ubi
ipsis defluxus patet: atque ideo maxime opus est adolescenti
Imperatorii philosophia, quæ ipsum vel adiuuet ad uirtutem af-
sequendam, vel à uitio, quod utrinque positum est, reuocet.
Alia enim uitia, alijs uirtutibus vicina sunt, & ab omni uirtute
lubricus est, non ad uirtutem, sed ad uicinum uitium lapsus.
Regno uerò Tyrannis ita finitima est, ut fortitudini audacia
liberalitati profusio, & magnanimus, nili à philosophia intra
uirtutis cancellos contineatur, siquæ paululum modo se extu-
lerit pro magnanimo ostentator & nisi abiectoq; animo e-
uadet. Nec ullum aliud uitium regni caue ut pertimescas, quàm
Tyrannidem, ad quam cognoscendam utere ijs signis quæ à no-
bis allata sunt. Præcipuum autem scito esse hoc, quod Regis
uoluntas moresq; legi parent, Tyranni uerò imperant. Impe-
rium quidem quasi communis quædam materies proposita est
ambobus, etiam si genere uitæ differant. Fortunatiss. itaque &
foelicitissimus quisque est, cuius ad uoluntatem omnia natura
fluunt, uoluntas uerò prudentiæ optemperat; & cum sit domi-
na rerum externarum, principatum tamen concedit potiori illi
contubernati nempe prudentiæ, & ab ea rerum agendarum qua
si tesseram expectat. Non enim imperium ad bene beatæque
uiuendum satis est, neque Deus in uiribus beatitudinem collo-
cauit, sed oportet adesse, immo uerò potius ante suppetere
prudentiam, quæ quàm rectissimè potentia utatur. Atque ego
hunc & uirum, & uitam omnibus numeris absolutam esse sta-
tum; quæ utrinque perfecta est; nec ex altera parte claudicet,
& ubi is imperat, qui imperandi artem tenet. Prudentia qui-

dem, & vires si coniunctæ fuerint, inexpugnabiles sunt: si di-
 suntæ fuerint, ut uel uis, sine prudentia; uel prudentia sine
 uiribus reperiatur, facile uinei, atque expugnari poterunt. Hinc
 ego prudentiam Aegiptiorum in eo admirari soleo, quod Mer-
 curij effigiem duplicem effingere soleant, iuuenemque iuxta
 senem collocent. quo significare uolunt eum qui alijs recte in-
 perare uolet, debere prudentiam cum uiribus habere coniun-
 ctam, existimantes alteram sine altera mancā atque inutilem
 esse. Eadem etiam de causa sphingis effigies ab ipsis in uestibu-
 lis templorum collocatur, ut declaret uirtutes omnes inter se
 uinculo quodam connexas, atque constrictas esse, nam fera rō-
 bur significat, homo prudentiam, robur enim sine prudentia fu-
 ror quidam est, omniaque miscet ac perturbat, & mens si non
 habeat manus administras ad res agendas inepta est. Ornamen-
 tum itaque regum omnes quidem uirtutes sunt, sed omnium
 maxime regia prudentia est: hanc tu in consilium tuum adhi-
 beas, eam enim consequetur, ueluti principem ac maiorem
 natu inter sorores omnis perfectio, ac mox deinde ceteras om-
 nes uirtutes & uictus & belli socias habebis. Hoc unum iam di-
 cam, quod quidem uobis primo aspectu absurdum uidebitur,
 cum tamen uerissimum sit, quando ego imbecillitatem cum ui-
 ribus corporis pertendo, & paupertatem cum opibus, & re-
 rum omnium incommoda cum commodis, hæc si nuda ac sine
 prudentia expendantur, paupertas, mehercule; & imbecilli-
 tas, uitaque priuata in hominibus minime prudentibus maxi-
 mo principatu felicior existimanda est: minus enim homines
 peccant, cum facultatem exequendi, quod animo perceperint
 non habent. Nam externa bona, quæ ab Aristotile, & Platone,
 quos ego duces sequor, instrumenta uitæ uocantur, non minus
 uitiorum ministra sunt, quam uirtutum. proinde etiam uiri hi
 duo, & omnes qui ab ipsis Philosophis fluxerunt, istis exter-
 nis bonis nec melius, nec deterius nomen dederunt: sed ea
 omnes instrumenta uocant quæ modo mala, modo bona es-
 se possunt, pro ratione eorum qui eis utuntur. quare quem-
 admodum optabile est, ut homines improbi his instrumentis
 careant

careant, ne his instructi res nefarias patrent, sic uicissim optandum, ut suppetant ijs, qui ea ad utilitatem omnium urbium, ac hominum priuatorum collaturi sint, ne uirtutis indoles otiosa ac inutilis marcescat, sed potius omnem uim suam ad homines beneficio complectendos conferat. sic tu etiam propositis istis bonis utere, nam nulla alia ratione his bonis uti poteris. Ex prudentia autem tua, & diligenti procuratione priuatorum domus, ciuitates, populi, gentes, terræ, fructum capiant, quam procurationem omnium rerum præpotens. Deus uoluit esse imaginem prouidentiae suæ, constituens se ipsum exemplar in ijs rebus, quæ ratione, & intellectu percipiuntur. ac sanè hæc mortalia ad normam cœlestium regi uult, Charus igitur magno illi regi & Imperatori, hoc est, ipsi Deo is est, qui eodem nomine inter mortales appellatur, si effecerit ut iure ita possit appellari. Censequetur autem hoc, si alterum nomen ex his quæ Deo tribui solent sibi ascuerit. de quo antequam uerba faciam, non puto me uobis rem molestam facturum, si prius aliquid ex media philosophia depromptum attulero, quod ad hanc rem illustrandum facere poterit. Nullum profectò adhuc nomen inuentum est, quod Dei Opt. Max. naturam pœnitus exprimeret, uerùm cum humanos sensus effugiat, ex suis operibus cum student comprehendere; nam siue ipsum patrem opificem dixeris, siue alio quouis nomine appellaueris, si principium, si causam, ista omnia non sunt eius nomina propria, sed affectiones quædam ab his rebus deductæ, quæ ab ipso manant. Quare si illum regem nominaueris, comprehendere tu quidem conaris naturam eius ab ijs rebus sumpta appellatione, quibus imperat, non tamen ueram naturam, & personam ipsius attingis. Sed iam reliqua eius nomina, quæ distuleram in hoc tempus, uti me facturum receperam, exponere aggrediar. Quod nam est ergo eius nomen simile nomini regis, qui apud nos est, quod confirmet, & ostendat uerum esse ac genuinum Imperatorem, non autem falsò ipsum appellari? Bonum scilicet Deum celebrant omnes ubique, tam sapientes, quàm insipientes populi, atque in eo omnes inter se consentiunt, cum cœ-

teris in rebus diffideant, opinionemque de numine diuino ac naturam eius incorruptam sententijs suis diuersis diuellunt. Verumtamen ea ipsa bonitas, quæ sine controuersia ulla ab omnibus deo tribuitur, nondum indicat certum Dei naturam ac essentiam, sed est à posterioribus mutuo sumpta. non enim ut res quædam absoluta illa bonitas ad aures nostras peruenit, sed ex eo nomen accepit, quod ijs in quos confertur bona est. hæc enim est sententia istius nominis, quæ nihil aliud nobis declarat, quam esse Deum auctorem omnium bonorum. Et sanè præces etiam illo patrum nostrorum in cæemonijs sacris, quæ ad Deum fiunt, non potentiam ipsius extolluntur, sed procurationem prædicant atque uenerantur. Cum igitur Deus ea nobis largiatur, quæ ipsum largiri conuenit, nimirum uitam, essentiam, mentem, & cœtera huiusmodi, quæ non sunt indigna, ut à Deo opt. max. in nos proficiantur, tuæ etiam erunt partes, non deferere stationem eam in qua collocatus es, neque his cognominibus quæ cum Deo communia habes notam ignominie innurere ullam, sed totis uiribus efficere, ut Deum quo ad possis imitatione exprimas. id erit si ciuitates omnes omni genere beneficiorum cumulaueris, si felicitatem tantam in eos, qui tuæ ditioni parent conferes, quantam quisque eorum capere poterit. Hoc si feceris tum te Regem magnam uerè appellare poterimus, non honorem hunc consuetudini tribuentes, non utilitatem captantes, nec etiam iram deprecantes, sed sincero animi inditio annuentes, & lingua sine fraude animi sententiam interpretære. Sed iam oratione tibi Regem exprimam, ueluti simulachrum quoddam tibi ante oculos ponens, tu autem fac efficias ut moueri hoc simulachrum & uiuere uideatur, ad quod effingendum, si res postulauerit, adhibebo ea, quæ ueteribus ac beatis uiris in mensum uenerunt, tu uerò nihilominus hæc quàm ualia libenter excipito, immo uero libentius, ut pote cum regem sine ullo dubio ea deceant, de quibus eadem sit ueterum ac recentiorum sententia. Simulachri autem istius, ut inde ordiar basis firma sit ipsa pietas, super qua constituamus simulachrum nostrum, ne ulla uis unquam illud euertere possit. sed

fit. sed hæc quàmuis in ima simulachri parte collocabitur, tamen in altum affurget, & multis in locis, potissimum uerò in uertice conspicietur. Hinc uero exordium ducens assero Imperatorem sibi ipsi primum imperare oportere, suoque ipsius in animo, ueluti monarchiam quandam instituire non enim te præterire debet hominem multiplex quiddam atque diuersum esse. Deus enim omnipotens tantam multitudinem potestatum, tanquam mixtam ac uariam in unius hominis constitutionem constituit, ut homo sit ipsa hydra monstruosior, pluraque capita habeat. non enim eadem facultate intelligimus, appetimus, dolemus, irascimur, lætamur, timemus, sed uides in alia parte hominis quiddam esse uirile, in alia quiddam effeminatum, in alia fidentiam inesse, in alia timiditatem, ac ita in uno, & eodem homine multa insunt. qua prorsus inter se contraria sunt. Inest etiam quædam in nobis media, inter has omnes facultates natura, quam mentem appellamus, istam ego in animo regis imperare uolem, omnium perturbationum, populari illa potestate euerfa. Hic enim Imperator ueluti à lare suo hoc est à seipso auspicatus, maximè secundum naturam imperabit, nam quicumque eas animi partes quæ rationis expertes sunt, cicures & mansuetas reddiderit, easque ratione subiecerit, multiplicem illam cupiditatum uim ad sapiens imperium redigens, hic homo planè diuinus, hic priuatus, & Rex erit, sed Rex potius, quoniam hic uirtutem suam omnibus gentibus impertit, illiusque bonis ac uirtutibus multi mortales fruuntur. In eo enim neesse est, ut sit animus quietus, ac pacatus, & in uultu eius diuina quædam tranquillitas appareat. non enim est formidabile, sed potius uenerabile spectaculum is, qui eum, uerecundia quadam minime turbulenta deterret amicos cum dico bonos uiros dico, inimicos uerò & improbos perterrefacit. In animo autem talis Regis, nullus locus est poenitentiae, quicquid enim agit, id agit de sententia & consilio omnium animi partium inter se consentientium, eo quod omnes animi partes ad rationis imperium respiciunt, nec dedignantur partes, esse atque cum uno, nimirum toto conspire. quicumque

autem

autem partium istarum munia disiungit, facitque ut singula seorsum Imperare uelint, & ut possint suadendo commouere animantem, hominem hunc; in quo talis sit confusio nunc uidebis animo efferrī, nunc deijci, nunc hoc appetere, nunc illud fugere, multis denique molestiis ac uoluptatibus in diuersas partes trahi, nec unquam sibi ipsi constare. Vnde illud apud poetam prolatum: quantum malorum sim patraturus. scio, sed ira mentem uincit & prudentiam. Agnoscebat enim hic diuersitatem, atque dissensionem facultatum animi, quæ patri potestate præditæ essent. Proinde hoc uel maxime regale est, ut sibi ipsi Rex primum imperet, ac menti suæ, omnes perturbationes, quæ intus ueluti quædam feræ sunt, subiiciat. turpe etenim est infestis hominibus imperare uelle, cum ipse turpissimis dominis seruiat, uoluptati, dolori, & quotquot eius generis feræ in animali uersantur. Cum ita fuerit animus Regis constitutus, tum primum congregietur cum propinquis & amicis suis, ac in eorum cœtu de summa omnium rerum consultabit. hos uerè appellabit amicos, non utens simulationis nomine, neque ut solent ij, qui immanitatem, & seueritatem dominationis corrigunt, longe humaniore nomine quàm res ipsa patiatur. Quæ enim præstantior ac firmitior possessio Regi esse potest, quam amici consuetudo? quis secundæ fortunæ iucundior socius? quis ad perferendas acerbitates tutior, uel certior? quis in laudando minus fucatus? quis in admonendo minus molestus? Quod uero magis illustre argumentum populo esse potest prudentiæ Imperatoris, quàm si uiderint Imperatorem familiares suos euehere ac beatos planè reddere? ita enim & externorum amorem sibi conciliabit, & omnes boni in amicitiam eius uenire contendent. Ea uerò omnia prorsus sunt in Tyrannis contraria, à quibus illud scitum prouerbum natum est. Procul à Ioue & fulmine. nam ex eo quòd ij suis familiaribus insidias tendunt satius esse ait in otio sine periculo uitam degere, quàm in negotio, & splendore cum periculo. Nemo enim unquam ob Tyranni familiaritatem beatus habitus est, at miserabiles multi ob inimicitias. Verùm in Rege longe aliter se

ter se res habet, is enim nouit Deum seipso contentum, nulla laborare penuria; & esse naturam principem, ac longe ante eum tem eos, qui potestati eius subiecti sunt. Hominum autem natura, quæ multis & sui similibus imperat, cum satis esse non possit ad omnes res perspiciendas, cum amicis se coniungendo, id quod deficit supplet, & potestatem suam cum multis communicat. hac enim ratione, & omnium oculis cernet, & omnium auribus audiet, & omnium denique consilijs in unum tendentibus consultabit. Verum omni studio elaborandum est, omniaq; aulae arma, si fieri potest, ad eam rem conferenda sunt, ne fallat obrepens assentatio, amicitiae personam suscipiens, ab hac enim sola, etiam si uigilias agant pratoriani milites, diripitur, ac uastatur imperium; peruadit enim nisi ualde arceatur ad intima penetralia Regis, aggrediturq; illud, quod præcipuum, atque maximum est in Rege, animum scilicet ipsum. Amor quidem in suos non postremum locum tenet inter regias uirtutes: hic enim Cyrum illum, hic Agesilaum apud Græcos & barbaros claros, ac nobiles reddidit. Atq; Rex quidem ipse statuet, quid agendum sit, sententiam uero suam amicorum auctoritate confirmabit, res uero ad exitum ut perducantur suum, multorum opera & studio opus est. Hactenus Regem effinximus, qualis intus esse debeat: nunc qualem foris eum esse decet dicendum est. Hinc oratio proficiscens Regem extra aulam producit, & post amicos tradit militibus, qui & ipsi ueluti secundi amici sunt, deinde cum in campo constituit, inquisitorem eum faciens, uirorum, armorum & equorum. Ac in campo quidem cum equite, equitem se præbebit, cum pedite decurret, cum milite grauis armaturæ armis contendet, cum cetrato peltale exercebit, cum milite leuis armaturæ iaculabitur, ut communione operum ad ueram ac germanam societatem illos alliciat, ne uel illis simulator esse uideatur commilitones eos appellando, sed ut re ipsa cognoscant uerè se dici commilitones, nomenque ex factis ipsis ductum esse testificentur. Fortassis grauius & iniquo animo feret, quod tibi laborem imponimus, sed mihi crede laborem corpus Imperatoris minimè attingere:

tingere: Cuius enim labores conspicui sunt, hunc labor minime frangit. at Imperator dum corpus exercet, dum sub dio agit, dum aetatem suam in armis traducit, omnibus gentibus spectaculo est: nam & praesentium oculi in hunc conijciuntur, idque temporis cum imperator aliquid in conspectu omnium agit nullus. aliud inuenerunt, & absentium aures praclare rebus gestis imperatoris personant, celebrantur enim ab omnibus. Praeterea Imperator frequenter in oculis militum uertendo, summam sibi & firmam beniuolentiam apud eos conciliat. Quod uero firmitus regnum potest esse eo; quod amore ueluti moenibus quibusdam ob uallatum est? quis porro priuatus, quis pauper secutior ac magis tutus esse potest illo rege, quem non metunt illi qui in eius regno & ditione sunt, sed cui metunt? militare enim genus hominum & simplex est: & generosum, facileque consuetudine deuincitur. Vnde Plato ipsos custodes uocat, & canibus similes esse ait, qui eos quos semel uiderunt amant & obseruant, illos uero quos nunquam aspectu percipere loco inimicorum habent. quid uero turpius esse potest illo rege quem milites sui non de facie, sed ex picturis cognoscunt? Neque uero hanc solum Imperator utilitatem percipiet ex frequenti commercio cum militibus, quod exercitum unum ueluti corpus coniunctum circum se habebit, sed quod etiam illa, quae illis temporibus, dum Imperator cum militibus est, gerantur, sint exercitationes quaedam rerum bellicarum, & primordia ac praeparationes uerae expeditionis alicuius, quae milites ad maiora longe ac eadem magis seria excitare atque inflammare solent. Non enim res parui momenti est, in ipso conlectu nominatim compellare & cohortari duces, centuriones signiferos, & milites nobiliores, ac eos qui in exercitus ordines ducunt. Vnde Homerus quandam deorum in praedium graecorum adducens, ait ipsum, ictu sceptri, robore firmo animos iuuentutis impleuisse adeo ut animus eorum.

Pugnandi subito uehementi arderet amore. Ac sane ita quidem omnes ardebant cupiditate pugnandi, ut neque pedes, neque manus contingere possent. nam illud Homeri: Intra pes, supraque

supraque manus gestire videntur, nihil aliud significat, quam membra illorum sua sponte ad munera prælij obeunda commota fuisse. Hoc ipsum quoque, mea quidem sententia, Imperator efficiet, unumquemque nomine suo appellando: nam sic & eum qui non dum bellicum cauere audiuit ad studium laudis excitabit, & bellatorem peritum magis ac magis exacuet. nemo enim laborem non libenter non suscipit, si eius testem habeat imperatorem. Atque hanc compellationem Homerus existimasse videtur Imperatori, tum belli, tum pacis tempore, esse longè utilissimum, qui cum animaduertisset quantum ualeat ad animos militum firmandos, ne gregarium quidem militem ab imperatore ignorari, fecit Agamemnonem, non solum nomine proprio appellantes milites, sed eundem fratri præcipere, ut in compellendis militibus etiam nominis paterni & gentis mentionem faciat, & ut eos summis laudibus ornet, uerè ipse se se efferat, dum enim dicit ut eos laudibus extollat, nihil aliud uult, quam ut honorifice commemoret, si quid egregiè aut prospère, ab illis gestum esse intellexerit. Videri, quomodo Homerus faciat regem Agamemnonem etiam popularium suorum laudatorem, nec sine iniuria. Quis enim sanguinem suum non libenter profundet, si uiderit se ab Imperatore gloria & prædicatione efferri? Atque hunc sane fructum feres ex frequenti usu militum, cognosces præterea mores uitamque ipsorum, tum etiam, si usus uenerit, quo quisque loco in acie aptè collocari possit. nam & hoc non esse negligendum censeo. Omnis enim Imperator est ueluti quidam artifex bellorum, perinde ac futor calcæamentorum: quem si instrumenta artis suæ præterierint, ab omnibus ludibrio habebitur. Imperator uerò quomodo belli instrumentis, hoc est militibus utetur, si eos cognitos non habuerit? Sed quoniam me in hunc locum deduxit oratio, non puto me multum à scopo aberraturum, si aliquid, quod cū ea oratione, quæ in manibus est facere possit, ueluti per digressionem quorundam à præsentī tractatione in medium attulerō.

² Nam poterō fortasse animos impellere, diu, si faueant. ueracis enim præcepto prodest.

Dico igitur nullam aliam rem deteriore[m] fecisse rem Romanam, quam illum apparatus, & cultum, qui circa imperatorium corpus sumitur, quem illi nobis ueluti sacra facientes occupant, & quod uestra omnia barbaricum morem præferant. nullum enim habet ueritas cum simulatione commercium. Verum tu id iniquo animo nē feras, nam tuum hoc non est, sed eorum qui eius morbi auctores fuerunt, & qui hanc prauam consuetudinem, ueluti per manus alijs ad imitandum tradiderunt. Itaque maiestas ista uestra, & hoc quod extimescitis, ne frequentius in conspectum hominum prodeundo, similes illis efficiamini, facit, ut à uobis ipsis inclusi, atque obsessi sitis, cum & paucissima uideatis, & paucissima audiat[is], quibus ex rebus prudentia, qua in actione consistit, colligitur, atque comparatur. Ac sane cum solis corporis uoluptatibus omnia metiamini, atque his maxime, belluinis, utpotè quæ solo tactu ac gustu percipiuntur, uitam instar marini pulmonis cuiusdam agitis. dum autem homines esse non uultis, sed potius dii, ne hominis quidem perfectionem assequimini. Itaque illi homines, quorum consuetudine utimini, inter epulas & alijs omnibus temporibus, quibusque aditus, magis in aulam, quam ducibus, & centurionibus patet, quosque ut elegantes ac uenusti sint tantopere ornatis. homines istos dico qui paruis capitibus sunt, ac nulla propè mente, quos aberrans natura notis quibusdam falsis insigniuit, non aliter ac improbi numularij adulterina numismata nec Imperatori dono datur ullum munus, quod magis gratū sit, quam monstruosus homo, & quanto monstruosius munus est, tanto maiori in pretio habetur. Hi inquam homines eadem in rerisum edentes ac lachrimas profundentes, & uariis habitibus, ac sonis, omnibus alijs denique rebus, quibus possunt, scurras agentes, eximunt uobis tempus, & ut ipsius iacturam, faciatis efficiunt, animique uestri caliginem, in quam eò incidistis, quod naturam ducem in uiuendo non sequimini, multò maiore malo delinunt. horum uos mutilos conceptus, & uerba non coherentia libentius audire soletis, quam graues sententias alienius aptè loquentis, & lucidè, depromptas ex philosophia. Hunc

autem

autem fructum ex hac uestra præclara domestica latebra percipitis, quod eam partem populi, quæ prudentior est, suspectam habetis, & quod spiritu regio apud illos utimini, at illis qui nullius consilij sunt aditus apertos ad uos esse vultis, omniaq; uestra cum illis confertis. Verùm scire debebās, unamquamq; rem hisdem instrumentis augeri, quibus & constat. nam si animo lustres omnia ubiuis terrarum dilatata imperia, siue Parthorum, siue Macedonum, siue Persarum, siue antiquissimum illud Medorum, siue etiam hoc, in quo degimus, cognoscēs homines plebeios, & milites eos qui sub dio agunt, ac humi in castris cubant, & qui neq; labori ulli parant, neq; uoluptatem sectantur, ea amplificasse, ac protulisse. Atq; homines cum res præstantes sibi summa cum diligentia parauerint, difficiliter eas, si prudentia absit, tenere possunt: uidetur enim florens fortuna, onus esse quouis plumbo ponderosius, ac facile eum, cui illud est impositum peruertit, nisi sit admodum robustus & ualens. Animi autem robur natura tribuit, exercitatio perficit, ad quam te Imperator philosophia hortatur, cauens ne id tibi aliquando contingat, quod cum ratione contingere solet. unumquodq; enim suis contrarijs dissoluitur. Neq; ego uelim, ut Imperator à ueteribus illis institutis Romanorum discedat, sed uetera cum dico, non quæ heri, aut paulò ante introducta sunt in rempublicam deprauatam dico, sed quæ Romani tùm seruare solebant, cum tantum Imperium sibi quæsiuerunt. Nam cedò per genium Imperatorium, sed uide ut animo cōsistas, nèue perturberis, mordax enim hic sermo est, & molestus. Quo tempore existimas re Romanā meliore in statu fuisse? An postquàm purpureis, & aureis uestibus indui cœpistis, & gemmas ex montibus, ac mari procul auectas gestare? quas quidem partim calceis inseritis, partim cingulis apponitis, partim suspenditis, partim in fibulis uestium collocatis, partim etiam in sellis. atque ita sanè euasistis spectaculum maximè uarium, omniq; genere colorum instar pauonum distinctum, Homericam uobis execrationem accersentes tunicæ lapideæ. At uobis ne tunica illa quidem satis est. non enim ingredi uobis licet in curiam, cū

consulatū geritis, neque comitia obire, neque in aliū confessum uenire potestis, nisi uestem talem induti fueritis, ac tum profecto oēs homines, quibus fas est uos cernere in uos solos oculos coniiciunt, quasi soli è numero senatorum beati sitis, cum soli onera magna auri & gemmarum gestetis. sed uos one re illo delectamini, perinde ac si quis aureis uinculis & præciosissimis compedibus constrictus, non sentiat tamen malum, neque putet se miseranda pati, aut in uinculis esse, magnificentia illa, quæ in calamitate inest, circumuentus, cum tamen nihilo facilius se moueri possit, ac ille qui in ligneas compedes, easque molestissimas coniectus est. Iam uerò uos ne pauimentum quidem tangitis, neque terram puram, sicuti cæteri mortales calcatis, sed necesse est eam arena aurea conspergere, quæ quidem nobis ex longinquis regionibus plaustris, & nauibus affertur. eorum uerò qui eam spargunt ingens numerus est. nec etiam regium esse existimatis, si calceamentorum coria delicata ac prætiosa non fuerint. Num ne igitur meliori statu sunt res uestre, ex quo istæ ceremoniæ ac religio circa imperatores consistit, & ex quo latebras queritis ueluti lacertæ quædam, quæ uix ad leporē solis, caput è latibulo exerunt, timentes ne ab hominibus deprehendantur, homines ipsi cum sitis? An tum cum Imperatores ipsi exercitus ducebant, in oculisque omnium uersabantur, sole perusti, & qui alijs in rebus satis simplici at tenui apparatu utebantur, non dithirambico aut tragico, pileos laticos gestantes? quos nunc pueri inter imagines cum cernunt rident, nec senes quidem omnes beatos eos fuisse existimant, sed si uobiscum pertendantur prorsus infelices. At illi non muniendo ædes suas arcebant barbato, qui uel Asiam, uel Acuropam incolēbant, sed eos rebus à se præclare gestis admonebant, regnum uti munirent suum, cum identidem trajicerent, & euphratem contra Parthos, & Istrum contra Getas, Massagetasque Nunc uerò illi alia sibi nomina pro illis imponunt, nonnulli etiam ora sua arte mutant, quo uideantur nuper è terra genus ueluti quoddam nouum, & insolens prodixisse, iamque uos terrare non dubitant, uicissim huc transeundo, atque pa-

cem

cem pecunia redimere uos cogunt, nisi te uirum ostenderis. Verum iam definamus, si placet, prisca cum præsentī statu rerum conferre, ne dum monere uolumus, exprobare uobis hæc uideamur, ostendendo tantum res imperatorias splendoris ac dignitatis amisisse, quantum insolentia creuerint. Sed quem, admodum oratio nostra in ista uestra uarietate commemoranda plurimum uersata est, ita etiam aliquam partem sui tribuat ueterum imperatorum uitæ, quam siue rusticitatem, siue tenuitatem appelles, nihil impedio. rectè id fiet, si uita sumptuosa, & frugalis in medium producentur detractis uelutibus. Nam si eas nudas conspexeris amore comprehendes mehercule uerā regię pulchritudinis formam, sprete atque repudiata adulterina. hanc scilicet opulentia & copijs magna ex parte descripsimus, illam uerò ijsdem rebus describere non poterimus, rerum illius descriptio aliunde est petenda. non enim illa diuitijs circumfluit, quippe cum in his cumulandis, studium & operam non ponat suam. mores itaque potius imaginem illius expriment. Et quoniam omne facinus statim conspicitur, cum ipsius uitæ germinibus, quæ naturam ducem sequitur, ideo unius Imperatoris mores & facinus in medium proferre satis fuerit: nam unum exemplum reliqua omnia ad se trahet. Narratur ergo quidam ex non ualde antiquis, sed ex his quos nosse possunt aui eorum, qui nunc sunt ingrauescente ætate, nisi iuuenes admodum cum essent filios susceperint, & à iuuenibus filijs nomen aui acceperint. Narratur inquam, quendam ex illis imperatoribus in Arsacidam exercitum duxisse, qui Romanos iniuria affecerat, is cum limites Armeniorum attigisset, & antequàm hostilem regionem inuaderet cibum capellere uoluit, militibusque imperauit ut ea omnia absumerent quæ secum ferrent, ut potè qui ex proximis agris, si opus foret, cibaria congesturi essent. & cum hæc loqueretur digito illis ostendebat Parthorum agros. Hoc cum ille ageret ferunt legatos ab hostibus uenisse, qui quidem arbitrabantur debere se primum conuenire eos, qui apud imperatorem gratia plurimum possent, aut eorum familiares quosdam, & internuntios, atque ita exi-

stimā-

simabant se negotium suum apud Imperatorem paruo temporis spatio conficere non posse. at res longe aliter accidit, euenit enim ut in ipsum Imperatorem canantem inciderent. nondum enim erant prætoriani milites, & ex omni exercitu lectus quidam exercitus; & eximius, ætate florenti omnes, statura proceri, cesarie flaua, & proluxa, unguentis delibuto capite, nitida facie, gestantes clipeos argento, & hastas auro insignes, hos cum uidemus, Imperatorem adesse colligimus, non secus ac ex præeunte splendore Solem: uerum illo tempore uniuersa phalanx, quæ suum munus tuebatur satellitum erat & Imperatoris, & imperij Ipsi autem Imperatores simplici tum & uictu & habitu utebantur, nec ex ornatu, ac splendido habitu, sed ex animo potius Imperatores dicebantur. bonis internis à multitudine differebant. externis autem similes gregarijs militibus erant, quo in habitu aiunt Carinum à legatis illis conspectum fuisse, punicea enim erat tunica uestitus, & in gramine sedebat, cœna autem erat illi uile pulmentum ex pisces, & in ipso frustula quædam salsa, ac rancida suillæ carnis. Cum autem legatos conspexisset, dicunt eum neque surexisse, neque quidquam immutasse, sed illis accersitis dixisse, scire se eos ad se uenisse, se enim Carinum esse; iussitque, ut renuntiarent adolescenti suo regi; nisi illo die ad frugem redire uellet, effecturum se ut propediem conspiceret omnia nemora omniaque arua Carini capite longè nudiora, quæ cum dixisset ferunt eum pileo capiti detracto caput suum illis ostendisse, in quo non plus erat pilorum, quam in galea eius, quæ prope illum sita erat. quod si uerò esurirent, licere eis unâ secum manus in patinam iniicere, sin minus, protinus à castris discederent, eò quod iam legationem confecissent suam. Cum autem legati ea omnia quæ uiderant, & quæ acceperant suis retulissent, fama est hostium Imperatorem, cœterosque omnes ingenti horrore, ac metu persusos fuisse. nec iniuria: uidebant enim sibi rem esse cum his uiris, quorum dux Imperator cum esset & caluus, non erubesceret tamen ad appositam patinam conuiuas uocasse: erunt itaque regem illum superbum metu fractum ad Carinum uenisse, & dixisse paratum se esse

se esse omnia eius imperata facere. Rex ille tiara & regia ueste ornatus, paratus erat ea omnia facere, quæ is, qui uili amiculo tectus erat & pileo, imperasset. Audis præterea, ut opinor, alterum Imperatorem Carino ætate inferiorem: non enim uerisimile est, quemquam esse, quem hoc prætereat: exploratione cum opus esset, in hostium regionem per simulationem, ac spectem legationis, penetrasse. Nam illis temporibus munus Imperatorium erat, urbes administrare, exercitus ducere, atque ob id multi imperium reiiciebant, & unus ex his, iuuentutem suam omnem, in regnando cum traduxisset, tandem laboris impatiens imperio se abdicauit, extremumque tempus ætatis suæ in uita priuata consumpsit. Atque ipsum quoque nomen Regis serò nostram in reipub. reuocatum esse, tibi demonstrabo, nec eo amplius populum Romanum, ex quo Tarquinius urbe eiecit, esse usum. ex eo enim nos hunc uobis honorem tribuimus, & reges appellamus & scribimus. uos autem siue scientes, siue nō, siue consuetudini hoc concedentes, arrogantiam istius appellationis repudiare uideamini: nam cum, ad ciuitatem aliquam, uel ad hominem priuatum, uel ad præfectum, uel ad principem aliquem barbarum scribitis, nomen regium non usurpatis, sed Imperatorium: est autem nomen Imperatoris, nomen potestatis in exercitu, quam penes est summa potestas: etiam Iphicrates, & Pericles Athenis soluebant Imperatores, nec tamen nomen illud offendebar populum, cum dico, qui omnem potentiam maximo, in odio habuit, sed ille ipse suffragijs suis imperium illud decernebat. Erat etiam Athenis magistratus quidam, cui rex nomen erat, exilia munia quædam obibat, referreque rationem cogebar, quod scilicet populus illud nomen ludibrio haberet, cum libertate nimis intemperanter uteretur. Verum Imperator ille apud ipsos, nec solus reum potiebatur, & erat ipsius tum nomen, tum etiam munus seruum ac præclarum. Quis igitur est, qui inficias ire possit, apertum istud argumentum moderati in rep. Romanorum animi esse? Quod, quamuis unius dominatu omnia teneantur, odio tamen eorum malorum, quæ ex Tyrannide proficiuntur, nomen regium parce usurpatur.

usurpatur. Vnius enim dominatum inuisum reddit Tyrannis, at regnum maximè illum commendat. quod Plato diuinum ac summum inter mortales bonum nominat. illud uero quod diuinæ naturæ compos est, ille ipse uult omni fastu atque superbia uacare. Non enim Deus in omnium oculis, aut ut præstigiatorum magister quidam, sed tacita quadam ratione iustè res humanas gubernat, omnibusq; in rebus paratus est opè ferre eis, qui eiusdem pacis & tranquillitatis participes esse studeant. Talem sanè ego uelim regem esse, hoc est commune quoddam bonum, & ab omni prorsus fastu abhorrere. Quod si Tyranni admirationem sui commouent se se abdèdo ac cum admiratione quadam prodeundo, nemo eis hoc uitio det, quoniam penuria ueræ dignitatis ad simulationem descendere cōguntur. in quo enim nihil est frugis, quique hoc bene de se nouit, fieri non potest, ut ille publicum conspectum non fugiat, contemptum cum fugit. At nemo in hodiernum usque diem solem contempsit, cum tamen nullum sit nobis hoc magis familiare spectaculum. sic etiam Rex, si se uerum esse Regem cōgnoscat, & omnem culpam in publico frequens appareat: nihilo enim minus, uel etiam mehercules magis suspicietur claudum illum quidem regem, quem Xenophon in toto illo opere in cœlum fert, ludibrio habebant, neque ij quos ducebat, neque per quorum regionem ducebat, neque in quos exercitum ductabat, quamuis in locis maximè publicis frequens esset, & ab omnibus ijs conspiciebatur, quibus cordi erat intueri Spartanorum ducem. qui cum in Asiam parua cum manu transisset, prope hominem illum, quem innumerabiles gentes adorabant regno eiecit, fastum certe ipsius contudit. cum autem à magistratibus illi interdictum esset, ne in Asia bellum gereret, multas ac illustres ex Græcis uictorias reportauit, neque eo alius quisquàm in prælijs superior fuit, præter illū, à quo uno Agésilauū superari par erat, cum de frugalitate & partimonia cōtenderent. Epaminundas hic erat, quem ciuitates corona donantes ad epulum uocitabant, ille uerò ibat, nec enim aliter facere licebat ei qui in illa dignitate constitutus, omnes crimi-

his expers esse uoluisset, & in illis conuiujs acidum acetum bibebat, ne, ut aiebat ipse, priuati sui uirtus in obliuionem unquam ueniret. cum autem adolescens quidam Atticus gladij eius manubrium irrississet, quod ex tili ligno factum ac minimè elaboratum esset, hoc responsum ab eo tulit: Non mehercule cum decernemus manubrium experieris, sed aciem ferri, quam quidem tibi culpàre non licebit. Quod si regum est imperare, imperat autem is, qui eos habet in potestate quos oportet, iisque institutis & uiuendi genere utitur, quo necesse est eum qui regere didicit, uidemusque non peregrinitate & fastu, sed moderatione, & temperantia omnia ex omnibus confici. exterminanda certè est ex imperio superbia & fastus, quoniam imperio cum rebus externis & à se alienis nihil reiesse debet. Atque hinc sanè oratio nostra huc processerat. reuocemus igitur & nos orationem nostram, unde egressa est, & tu Regem ad pristinum statum fac ut redducas. Necesse est enim si mores corridentur, & modestia redierit, simul etiam cum his pristinam illam imperij maiestatem redire, omniaque illa mala quæ cum his pugnant in fugam dari ac tolli. Tu igitur o Imperator fac sis istius reductionis princeps & auctor, daque operam ut Imperatorem ministrum imperij habeamus. nam in eo statu rerum sumus, in quo nihil est loci maiori segniciei, nec iam, ita me Deus amet, possumus longius pedem conferre, sumus enim nunc omnes maximo in periculo. Opus habet hic præsens rerum status, & Dei opti. Maxi. auxilio, & regis, qui fatum Imperij Romani, quod iam satis longum tempus parturit, prius e medio tollat, quam illud existat. quod sane fatum, reliquias orationis meæ simul persequens, & regis simulachrum absoluens, quod pulcherrimum effingere coeperam non longe abesse demonstrabo, nisi aliquis prudens & stenuus imperator prohibuerit, atque tu is sis qui prohibeat, ego, quantum in me est, contendam. Deus quidem bonis semper & ubique præstò est, ac propitius, nec eos unquam desertos esse finit. Vnde ex industria in huius temporis statum incidi, relicto illo imperatoris simulachro, quod oratione nostra exprimere ac informare institueramus.

Postulabat Philosophia uti Rex frequens cū suis militibus uer-
faretur, nec in thalamis delitesceret; demonstrabat enim beniuo-
lentiam, quæ sola firmissimum præsidium Imperatoris est, quo
tidiano cōmertio, & usu colligi. Quo igitur cum genere mili-
tum philosophus amator regis uolet, uti Rex corpus exerceat
suum, & unā multum sit? Nimirum cum his quos agri, quos
urbes, quos denique uniuerſa regio, quæ eius imperio paret,
propugnatores dat, & custodes deligit reip. ac legum, sub qui-
bus alii atque instituti sunt. hi enim sunt quos Plato canibus si-
miles esse dicit. Sed neque pastor unquam cum canibus lupos
collocabit, etiam si ipsi, catuli quandam cum sublati essent, cū-
cures iam effecti uidebuntur, alioqui illis magno cum pericu-
lo grēgem cōmittet. nam si quando in canibus imbēcillitatem
aut ignauiam aliquam animaduuerint, & ipsos canes mediufi-
dii, & gregem, & pastorem denique ipsum aggredientur.
Neque legislator unquam armā concedet ijs, qui non sunt na-
ti, & educati sub ipsius legibus: nullum enim ab his pignus be-
niuolentiæ habet est: enim uiri plusquam audacis, uel uaris po-
tius cuiusdam, iuuenturem multam, alibi educatam, suis mo-
ribus uiuentem, sua in regione arma tractantem, si uiderit, non
extimescere. nam alterum horum statuendum est, aut eos om-
nes studio sapientiæ deditos esse, aut si hoc non putemus, Tan-
tali saxum tenui filo appensum impendere nostræ reipub. nam
tum eam illi extēni milites inuadent, quum sibi rem bene cef-
suram existimabunt. Ac sane iā huius mali uelitationes quædā
fiunt, iamque nonnullæ partes imperij ueluti corporis labo-
rant, cum non possint ea quæ aliena sunt, cum ipso corpore co-
alescere, & ad harmoniam sanam reduci. Secernenda autem
esse, tam à corporibus, quam à ciuitatibus, ea omnia quæ sunt
in ijs aliena, & Medici, & Imperatores censent. Exercitum e-
nim non conscribere, qui illis opponi possit, & ueluti illi do-
mestici sint; uacationem militiæ multis concedere, & permit-
tere suos alijs rebus operam dare, Quid obsecro aliud est,
quàm in propriam peruiciem ruere? cum æquum esset istos
Scythas, qui hic arma gestant persequi, & ab ipsa agricultura
propu-

gnatores accersere, qui eam defenderent, atque tuerentur, ac sanè usque adeo delectus habere, ut & Philosophis è scholis, & artificibus ex officinis, & tabernarijs è tabernis, & populo illo socordi de theatris, quibus pascitur excitato, persuadeamus tandem omnibus, ut rebus serijs prius studere incipiant, quam ritus in luctum uertatur, neve siniant sibi impedimento esse ullum genus pudoris, quominus populus Romanus suis uiribus nitebatur, & proprijs. Nam ut in familia, sic etiam in rep. defensio marium est, rerum autem domesticarum procuratio feminarum. Quomodo igitur ferre possumus partes uiriles in nostra repub. alienas, & externas esse? Quomodo uero turpissimis in rebus non est fortissimum imperium, concedere alijs principatum bellicæ gloriæ? atque me sanè, etiam si isti multas uictorias pro nobis decernendo consequerentur, harum tamen puderet. Illud quidem cogosco uideoque, perspicit enim id quisque mente præditus, si illi mares & foeminæ, neque germani, neque sanguine coniuncti sint, fore ut illis etiam quàm minima occasio satis sit, ut armis instructi hominum urbanorum se dominos esse uelint. ac sanè decernent aliquando imbelles cumijs qui se in armorum certamine exercuerunt. Prius igitur, quàm eo quo res tendit perueniatur, reuocandi nobis sunt Romanorum animi, & ita assuefaciendi, ut ipsi suo Marte uincere, & possint, & uelint, nec omnino societatem ullam cum Barbaris ineant, sed eos omnes despiciant, omnique loco funditus pellant. Primum itaque magistratu eij ciantur, & procul à curiæ honoribus arceantur, quibus per summum dedecus ea obuenerunt, quæ olim apud Romanos habita sunt, & reipsa fuerunt honestissima. Nam & nunc Deam Themidem, quæ senatui, & illud alterum numen, quod exercitui præsidet obuelare se arbitror, cum cernat hominem penula scortea indutum ducem esse chlamydatorum, & quâdo aliquis uillosam pellem exuens quam gestabat, togam sumit, de summaq; rerum cum Romano magistratu consultat, prope ipsum consulem sedens, longè post eum sedentibus his, quibus iure optimo honos ille debebatur. atq; illi idem ubi paululum è cu

ria egressi fuerint, pelles suas rursus induunt, togamq; Romanam apud suos derident; eo quod impediatur ensis educationem. Ego uero cum multis alijs in rebus, tum uel maxime in eo hominum nostrorum stultitiam, satis mirari nequeo. Nulla est familia, quæ modo aliquibus diuitijs affluat, cui seruus scythæ non sit, structor, cocus amphorarum gerulus, cuiq; est Scythæ. illi etiam pedisequi, qui humiles sellas in humeris gestant, super quibus domini eorum in foro sedent, scythæ omnes sunt, tanquam illa natio, iam inde a maioribus suis, idonea declarata sit, ad Romanorum seruilia munia obeunda. At Flauos istos, & Euboico more comâ alentes, apud eosdem mortales priuati quidem operam dare, publicè uerò magistratus gerere, insolens spectaculum cum sit, maximam admirationem omnibus meritò mouere debet, & si hoc non est Enigma, aliud quod dici debeat Aenigma, non mehercule uideo. In Gallia quidem Crixus & Spartacus spectante populo Romano, in theatris & spectaculis, uelut piacula quædam, digladiari solebant, at postquam ij profugissent, & mala quibus afficiebantur ad animum reuocassent suum, bellum quod seruile appellatum est excita-uerunt: quo quidem grauius ac periculosius populus Romanus nullum gessit. ad horum enim conatus comprimendos, & consulibus & prætoribus, & Pompeij denique fortuna ipsis opus fuit, cum parum abfuerit, quin urbs funditus deleta sit. At qui illi qui cum Spartaco, & Crixo descuerant, neque cum illis, neq; inter sese ipsi eiusdem gentis erant, sed communis fortuna, occasionem nacta, concordēs ipsos reddiderat. à natura enim ipsa omnes serui dominorum hostes tum uel maximè efficiuntur, cum in spem ueniunt se eos uincere posse. Num uerò & apud nos ita res habet? an non omnino maiorem materiam nos malorum alimus? non enim apud nos duo sunt, neq; obscuri ij, qui seditionem constare possunt, uerum exercitus magni, & infesti, nostrisq; seruis sanguine cōiuncti, qui nescio quo infœlici fato in Romanum imperium influxerunt. illi suos duces habent, magnæ authoritatis uiros, non solum apud eos ipsos, sed etiam apud nos, quod malum nostra. dedit socordia nobis,

nobis. Præter eos autem milites quos iam habent, seruos etiam nostros ipsis accessuros existimatore, seruos inquam crudeles, audaces, quique nullum genus sceleris adire dubitabunt, quò se in libertatem vindicent. Hæc itaque munitio nobis demolienda est, & interna causa morbi prius tollenda, quàm se uulnus quod latet patefaciat. in ipso enim principio mala facile tolluntur, at progressionem temporis maximè corroborantur. Purganda sunt Imperatori castra, non aliter ac cumulus quidam tritici, unde & speltam secernimus, & alia prope germinantia quæ generoso ac uero tritico nocumento esse possint. Quod si tibi uideor consilium dare, de his quæ facta non ita sint facilia, cogitare debes, & quorum tu Imperator sis, & de quo genere hominum uerba facimus, de eo nimirum quo cum Romani semper secunda prælia fecerunt, ex quo illorum nomen orbi cognitum est. Cunctos enim Romani, quibus cū illis res est, manu & consilio longè prætereunt, atq; omnem orbem terrarum iidem iam peragrarunt, quemadmodum Deos ait Homerus:

Omnia dum peccata hominum benefactaq; lustrant.

Scythas autem istos, & Herodotus narrat, & nos ipsi cer-
nimus, morbo timiditatis laborare. hi enim sunt qui ubiq; ter-
rarum seruitia explent, quiq; sedem stabilem, & domiciliū cer-
tum nunquam habuerunt. Hinc prouerbiū illud natum est,
Schytarum solitudo, eo quod illi semper patriam fugiunt suam.
Quos primum Cymerij, uti aiunt ij, qui res priscae memoriæ
mandarunt, e sedibus suis eiecerunt, deinde alij quidam, tum
mulieres quoque, tum parentes uestri, tum etiam Macedo,
à quibus pulsi, partim ad internas, partim etiam in externas
regiones abierunt. nec prius hi finem fugæ faciunt quàm
ab insequentibus, ad eos qui è regione eorum habitant,
fuerint depulsi. Nonnunquam tamen eos, quos nec opinan-
tes adoriuntur aliquantisper perturbât, ut quondam Assyrios,
Medos, & Palestinos. At ne nostra quidem ætate ad nos uene-
runt animo bellandi, uerum supplices, cum rursus suis è sedi-
bus exciti essent. cum autem Romanorum mores, sicuti in sup-
plices decuit, humanissimos, & non arma experti essent genus il-
lud

Iud Barbarum eam illis, quam eos par erat gratiam retulit: nā & insolens erat factum, & beneficium in se collatum non agnoscebat. quo nomine cum patri tuo, aduersus ipsos armato, meritas poenas dedissent, rursus ad misericordiam eius confugiētes supplices se, una cum uxoribus suis, ad pedes eius proieciēbant. ille uero, qui quidem in bello semper superior fuit, misericordiae solum manus dabat, & supplices illos erexit, & belli socios asciuit, & ciuitate donauit, & omnium honorum participes fecit, partem deniq; Romani soli, sceleratis illis hominibus attribuit. Ille inquam uir, animi magnitudine ac generositate naturę ad clementiam usus est, sed Barbari quid sit uirtus nō intelligunt. nam propterea quod se illis pater tuus placabilem prębuit, nos in hanc usq; diem derident, non ignari, & quas poenas meruerant, & quibus honoribus à nobis affecti sunt. Hęc sanē iam fama humanitatis nostrę, etiam uicinis eorum ad nos uiam aperuit. aduentant enim iam ad nos, qui summa facilitate pręditi sumus, quidam sagittarij equestres petentes ut se humanitate complectamur, illosq; nobis, utpote longe se inferiores, in exemplum proponunt. Atque hoc malum uidetur iam processisse ad eam quam uulgò persuasionem necessitatis uocant. nam philosophia de uocabulis non laborat, sed quid sententię seruiat quærit, ac nonnūquam etiam illud quod humile est, ad rem explicandam assumit, modo id perspicuum & aptum esse constet. At profectò haud facile est, semel amissam recuperare famam, &

Sedibus hosce canes diros expellere nostris.

Verum si me audies, & difficultas illa facile tolletur, & res erit parui negotij, si inquam numerum militum adauxeris, si Romanos ad uirtutem excitaueris, si legiones domesticas conscripseris. adde amabò illud imperio, quod illi sua ipsius culpa deest, quodq; Homerus uiris uirtute pręstantibus attribuit.

Ornat diuinos animi uehementia Reges.

Aduersus igitur istos barbaros animo uehementi atque concitato opus est, & mox uel agriculturę operam iussi dabunt, ut alia Messenij positis armis Lacedæmonijs seruitutem seruiērint,

rint, uel eodẽm itinere quò uenerunt fugam capessent, & nuntium afferent ijs qui trans alteram ripam Istri incolunt, non amplius esse apud Romanos illam facilitatem, sed ducem hos nunc habere iuuenem quendam, excelsi atque alti animi:

Acrem qui non fontem etiam reprehendere possit.

Atq; hæc dixisse sufficiat de educatione ac bellica institutione imperatoris. nunc autem qualis in toga esse debeat dicamus. Erit quidem bellator Imperator, sed tamen paci uel maximè consulere debebit. ille enim solus pacem potest colere, qui potens est, in eum qui damnum dedit, animaduertere. ac mea quidem sententia illè Imperator pacem optimè seruabit, atq; tuebitur, qui, cum ipse iniuriam facere nolit, prohibere etiam potest, ne ea aliquis suorum afficiatur. Bellum etiam aliquando suscipiet, nam nisi id fecerit, bello ipse laceßetur. est quidem pax multo beator, quàm sit bellum, quippe cum ob pacem bellum suscipiatur. quare cum pax finis sit belli, meritò etiam bello anteponetur. Præclare itaque se res habebit, cum corpus imperij duabus è rebus constet, armata nimirum & inermi multitudine, si se Imperator utriq; parti dediderit. & si ubi à militibus discesserit commetrium habuerit cum urbibus & populis, qui ut tutò agros colere, & remp. administrare possint; opera militum iam consequuti sunt. Ita autem cum eis uersabitur, ut ipse eas ciuitates & regiones, quas adire poterit, lustrat ac obeat, ad quas autem ciuitates suæ ditionis peruenire non poterit, earum curam geret, ea ratione, quæ illi omnium optima uidebitur. Legationes autem cum alijs in locis magni faciendæ sunt, tum maxime hoc loco: nam earum opera & usu poterit Imperator cognoscere remota nihilominus, quàm propinqua. Neque solo oculorum sensu imperij curam definiet, uerum collapsa instaurabit, quamuis ea nunquam aspectu acciperit, egentibus populis opem feret, à tributis uindicabit eos, qui iam pridem eis uexantur, bellum etiam ueniens depellet, præsens uero poenitus extinguet, & si quæ alia re opus erit, ipse diligenter providebit. Hanc utilitatem ex legationibus ca-

rit. quibus & facilis ad eum patebit aditus, & ueluti pater aliquis, senem se ac benignum illis præbebit, siue à uicinis, siue à remotis populis ueniant. hoc enim uideo semper Hómereum dicere, de illo suo pacifico rege. Primum igitur edicatur, ne milites molesti sint ciuibus ac uillarum incolis. memores quid labores ipsi eorum causa sustinuerint. Nam Imperator ideo bellum gerit, ut saluæ sint ciuium & rusticanorum hominum facultates, eamque ob causam manus cogit. ille enim qui à me externum hostem arcet, ipse autem crudeli ac immani in me est animo, nihil mihi differre uidetur à cane, qui eam ob rem lupos quam longissimè abigit, ut ipse per otium gregem dilaniet, quem par erat non diripere gregem, sed contentum esse custodiæ mercede, nempe lacte ouium, quo se explebat. Quare certissima tum pax est, cum milites ita instituti sunt, ut inermes loco fratrum habeant, neque plus eo accipere contendat, quàm præscriptum est. Neque est regium, tributa intolerabilia ciuitatibus imperare. bono enim regi, quam ad rem amabò opus erit multa pecunia? cum neque animo dissolutio sumptus faciat, neque moderato usu omisso arrogantia studeat, neque iuuenili animo indulgens, ludis scenicis sudorem bonorum impendat, neque ulla necessitate adstringatur bellum frequenter uti gerat: cuius ut quidam La cedæmonius ait, non est aliquod dimensum pabulum. nam frugi atque modesto regi nullæ insidiæ tenduntur, nullus hunc aggrediatur, ut ostendimus. congesta ergo tanta pecunia, quanta opus est ad res necessarias comparandas, iam redundantis nullus erit usus. at illa sine ulla molestia suorum confici poterit, si & nonnulla quædam, quamuis necessaria, remiserit, & his erit contentus, quæ eorum facultatibus, qui conferunt, respondeant. Rex porro avarus caupone longè turpior est, nam hic inopiam rei familiaris subleuat, at illius animi prauitas, quid prætendat prorsus non habet. Equidem cum frequenter animo contempleri soleo, & prauitates ipsas uitiorum & quales nobis eos, qui illis adstricti sunt, efficiant, animaduerto etiam inter priuatos, hoc genus hominum quod pecuniæ cumulandæ deditum

rum est, omnium maximè abiectum, improbum, ac in primis
illiberale esse, cuique in sola deprauata repub. locus non omni-
no ignominiosus sit, quippe cum hi etiam à se ipsis contemnan-
tur, eo quod naturæ uoluntati cogitatio eorum repugnet in eo
quod caput est & plurimi. naturæ enim corpus ad ministerium
animi destinauit, res uerò externas ad usum corporis, cui ut
posteriori, secundas partes dedit: at isti & animum & corpus cū
tertio copulant. Qui igitur se ipsos ignominia afficiunt, & id
quod in eis primas partes tenet in seruitutem dant, hi mediuf-
fidius nihil unquam præclari gerere, nihil cogitare poterunt.
quos ego si formicis longè ignobiliiores ac magis imprudentes
esse dixerò, non profecto mentiri. nam hæc tantum solummo-
do quarunt, quantum satis est: at illi uitam ipsam metiuntur
necessario usu quæstus. Quare abigenda est, tam ab Imperato-
re, quam huic à subditis tetra ista pestis, ut bene bonis impera-
re possit, & studium uirtutis reuocandum, in quo se & ipse Rex
exercebit, & alijs, qui se se excolere uolent, præmia propo-
net. turpe etenim est, ut dixit quidam, exerceri publicè iaculis,
& cæstibus, & coronas imponi ijs, qui palmam tulerunt,
non autem exerceri frugalitate & uirtute. Certum equidem est
ciuitates, si ita institutum, atque affectum regem habuerint, ui-
tam uicturas priscam illam & auream, in qua & summa penuria
omnium rerum malarum futura sit, & ingens ubertas bonarum,
potissimumque pietatis. ad quam ducem se alijs præbebit.
Rex, deumque in exordio unius cuiusque rei inuocabit. est e-
nim profecto iucundissimum, & audire & uidere regem in o-
culis populi ad cælum manus tendere, & adorare communem
ac eundem cum populo suo Deum, ac sanè uerissimile est Deū
Opt. Max. regis pij cultu ac ueneratione lætari, atque talem
regem arcane quadam conjunctione sibi coniungere. Itaque

nunc uerò extra illas, dicimus debere præterea esse Regem largitorem bonorum & propitium. hæc igitur ipsa & alia insuper quæ prius attuleramus, quàm recepissemus formam Imperatoris nos expressuros iam in membra conferantur, & simulachrū compleant. quorum illud erat summum, ne Rex, largitor cum sit bonorum, magis defatigetur benigne faciendo, quàm sol radios suos stirpibus & animantibus impertiendo. non enim ille splendorem emittendo languescit, cum natura ipsius splendorem comprehendat, & sit ipse fons lucis. Ipse igitur Rex, in istud uitæ genus ingressus, omnia illa per se ipsum reget, quæ sunt in ditione illius, eos uerò qui folio suo uicini sunt, quique principem locum inter omnes alios tenent, regia animi instructione, eo loco constituet, quo prosint alijs pro modo potestatis sibi attributæ. Atq; hac ratione cura hominum longius procedet, cum plurium manibus tractabitur. Sed tamen nihilominus necesse erit, cum tam amplum imperium sit, ut præsidēs ad eos mittat, qui longè distant. Deinde summa cum diligentia legendi, & æstimandi erunt illi, qui iudicijs præficiantur. hæc enim est diuina quædam & multiplex prouidentia. Cuncta enim loca, & omnes homines, ac singulas controuersias uelle cognoscere magnæ est circumcurſationis, magnæ difficultatis, cui nè Dionysius ille quidem satisfacere potuit, quamuis uni insulæ, neq; ei toti imperaret. At paucorum procuratorum opera multorum curam habere possumus. hanc appellarunt deo conuenientem, & generalem quandam tutelam, quam in sublimi permanentem, atq; ad minimas etiam res respicientem, ne minimæ quidem res fugiunt. hoc genere tutelæ utens Deus, non ipse apud nos subtiliter efficit singula, sed natura, ueluti manu quadam, utitur, in sede sua ipse permanens, & est fons atq; auctor omnium prorsus bonorū, quippe cum ipse sit causa causarum. atq; hac ratione Imperatori reip. procuratio prosequenda est. Distribuat igitur principatum præsidibus quam fieri potest iustissimis & optimis. Longe enim facilius cognoscet paucos, quàm multos, & citius paucorum delicta aut benefacta animaduertet. Ex optimis itaque, non ex his quibus ampla

res,

res est, ut nunc sit, legantur ij, quibus magistratus mandentur. nam nec his medicis committimus corpus, qui diuitijs affluunt, sed illis qui artis suæ peritissimi habentur. hac sane multò magis is qui magistratum geret legendus est, non locuples, sed gubernandi peritus, si quidem per eum plura uel melioris, uel deterioris status aleam subire debent. Quid enim? si quis ex eo, quod uir nequā esset, opes congefserit, dignum nè est amabò huic magistratum committere? an potius homini pauperi illi quidem, sed probo tamen, & iusto quem ideo quod iustus est pauperem esse non pudeat? Ille enim qui opibus circumfluit, magistratu pecunia comparato, nesciet profectò iustitiam colere, atque ius suum unicuique tribuere. nam qui magistratum emit, hunc meo iudicio, non faciliè in iniustitiam odium capiet, nec is pecuniā pro nihilo ducet, sed ius pretio potius, quàm æquitate describet. non enim credibile est, hunc toruis oculis aurū intuturum, uerùm illud reueretur, ac amplectetur, ut cui acceptū referat, quòd parte diuitiarum impensa rempub. comparaauerit, & quòd, uti res aliæ solent, ita ciuitatum gubernationem mercede conduxerit. uidet enim se opera diuitiarum in magistratum uenisse, uidet se suspici, cum ab alia multitudine, tum etiam ab hominibus iustis, ac egentibus. Tu autem fac efficias, ut uirtus in admiratione omnium sit, ac plurimi fiat, quamuis homo pauper ea sit præditus. non te latent ullius uiri prudentia, iustitia, ac cœteræ omnes animi uirtutes, etiam si uili tegatur ueste, sed in medium producito hunc, & mandes uirtutem uti publicet suam, quam non decet in obscuro esse, uerum in luce & puluere. Non enim te præterire debet, te in præsentia quidem illos prædicaturum, at qui ad omnem immortalitatem prædicetur eum te fore, quia beati regni speciem posteris præbueris. Quod si ita feceris, propediem cernes fore, ut

stati tribuerit, tum nihil est, quod magis suspiciendum esse putem, quàm quòd illa in animis populi tantam uim habeat. Imperator enim facile mutat opinionem moris, quamuis diuturna consuetudine & usu confirmata sit, quoties apparet contrarijs eum rebus honorem tribuere, atque eas plurimi facere. nam eas res quibus Imperator gaudet, necesse est statim augescere, multorumque studijs coli. Sed quoniam me in hunc locum deduxit oratio, uolo quædam de amoribus meis nota facere. Faxit Deus opt. max. ò Imperator, ut aliquando amore philosophiæ ac ueræ institutionis capiaris, ex his enim, quæ iam dicta sunt, perspicuum est, fieri non posse, ne non multos riuales, qui magni momenti futuri sunt, habeas. Nam ea nunc est hominum negligentia, ut periculum sit, ne studia philosophiæ ita extinguantur, ut ne scintilla quidem relinquatur, unde si quando quis rursus ad ea se refferre uellet, accendi possint. nunc igitur pro philosophia solum hæc uota suscepi? an illa deteriore conditione non erit, etiam si apud mortales domicilium habuerit nullum? sedem enim illa domesticam habet apud Deum, cum quo quamuis hic sit, persepe tamen aliquid rerum agit, & quoties eam descendentem non recipit terrena hæc regio, apud patrem remanet, ac tum iure optimo illud nobis decere posset, mihi non opus isto,

Est honor, ætherij patris sed lætor honore.

Verùm res humanæ, ut hæc abest, utq; presens est, ita deteriores seu meliores, uel prorsus beatæ, aut miseræ efficiuntur. pro his igitur uota feci, cum de philosophia feci. atque utinam compos esse possim uoti mei, cuius Plato compos esse non potuit. utinam te uideam in repub. administranda adhibere philosophiam. Neque me iam plura de regno optime administrando differentem quisquam audiet, uerùm iam tempus est ut finem dicendi faciam, uideor enim hoc uno omnia quæ uolebam complexus esse. Pollicitus quidem eram, me Imperatoris effigiem tibi oratione expressurum: est enim oratio umbra rei, quod quidem iam me effecisse arbitror; à te uero uicissim petij, ut quam ego imaginem oratione, tu factis effingeres, ac expri-

exprimeres . quod te propediem effecturum spero , nec ambigo quin officium imperatoris egregie sis facturus, si modo uerba orationis meæ aures tuas non præterfluxerint , sed in animū ipsum usque penetrarint , ac in eius intimo recessu degere uoluerint . Nec sanè sine diuino numine philosophiam ad hanc admonitionem descendisse mihi persuadeo , cum Deus magno studio res tuas extollendas atque amplificandas suscepit , quod multis argumentis uidere licet . Verum ego iure optimo , primus omnium frui debeo germine consitionis meæ , fruar autem , si talem te mihi præbueris , tum cum ciuitatum postulata exponam , & responsa abste auferam , qualem oratione mea expressi , atque effinxi.

F I N I S



The first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the

2 5 7 1 4

2



